

安陽縣金石錄

安陽縣金石錄卷十一

偃師武虛谷先生著

安陽縣知縣鐵樹齋 泰校梓

有字贈口奉大夫湖廣等處行中書省參知政事護軍追封
魯郡公許公神道碑銘

有序

存正書後至元四年八月

安陽公居政府之五年一日得請於朝既釋機務將歸省其
先塋於洹水之陽以顯考魯公行狀命其友歐陽玄文諸神
道之石立惟方今公卿大臣辭翰擅美無以右安陽公兩都
有大營繕諸臣僚家先世碑板咸以奉請屬筆安陽公爲榮
於法當援吾宗克文忠公例自表厥考崇公之阡又自書之

爲宜安陽公堅辭以爲不可乃勉叙其行實而銘之魯公諱
熙載字獻臣姓許氏生七歲孤太夫人挈之依外家公另有
異質處羣髻中終日持重寡言稍長攻讀書習爲傳二十能
舉子業有雋譽年及受室娶里中名家外舅仕湖廣行省公
欲就學東南因往焉遂爲當道所知以行省檄辟德慶路提
控按牘由是以本職歷永衡兩路湘潭一州凡三考成資調
長沙稅使遷臨江撫州兩路總管府照磨進將仕郎湖廣行
中書省理問所知事改從事郎會福院照磨兼管勾承發架
關庫位不滿德而所至稱職吏服其能民懷其惠不可悉數
其一二存諸簡書畧見始末者若在德慶時鄰獠輒境州將
趙往督捕府無它官以次攝事公料丁壯輸糗糧高城深池

備禦有法會城中民饑比持狀請粟而先以賑貸民用無它
虞將士俘囑有愬非辜宣慰部使者雜譏之渠帥利所獲從
旁執爭公駁之曰寇徒脅從猶當理出王民踰入賊衆又從
而咸獲之可乎上官用其議薄有口驗皆免爲民口是公以
新進下僚代總郡寄一切興發事皆已出當道意頗口之寇
平吏民咸稱其應變方畧有餘又見其面折元戎脫民於殍
乃更賞嘆共剡薦之口永永尙巫鬼里社昇土木偶相替口
服食共具以侈相卒民坐凋劫公泉樊侯毀淫祠數百區以
窒其妄又撤其材以給黌舍公廨倉庫之用公私便之在衡
安仁盜袁舜一怨苦播州餉負險挺亂既誅朝廷宥其餘黨
甚衆民有越軍砦爲竊攘者有司得之獨以強論不赦公曰

彼從盜爲亂猶貴殊死此因亂爲盜乃服上刑不請併徙
舍之議上卒從其言□□□有范重二者嘗過友家乘虛
揮口供佛鐵器以歸友蹤跡甚口范慚怖而返之物游徼發
擒之拘范及友於官公推讞得實既而有赦吏欲墨范臂景
跡其口公謂詞未送官物先入主法不口亦不當錮范卒爲
良民在長沙征算不苛羨增秋毫歸官口撫州豪民有壘胡
者僞造楮幣十餘年轉鬻閩浙聲已狼藉計變自口官疑有
隱索之闢地口宿用板印緹數皆倍所首獄輸朝廷遣使分
道處決壘厚貲祈免姻族又助其營謀已議減死公持不可
曰首寡隱多去未存本與未首同衆莫能蔽乃寘諸法未奉
祠在京祠祿優暇而年近休致諸子又皆顯融力請謝事未

報得瘡疾薨於官生以中統二年辛酉十一月丁巳薨以泰
定四年丁卯二月癸酉壽六有七葬以是年十一月壬午附
安陽武官原新塋許氏世居許昌曾高以上金元天譜祖考
隱德曠僚諱信考贅彰德湯陰因徙家焉初贈亞中大夫彰
德路總管輕車都尉追封高陽郡侯再贈嘉議大夫僉書樞
密院事上輕車都尉追封魯郡侯諱毅妣以孫婦趙氏讓封
初追封湯陰縣君再封高陽郡君累封高陽郡夫人進封魯
郡夫人姓朱氏公初贈嘉議大夫禮部尙書上輕車都尉追
封高陽郡侯進贈中奉大夫湖廣等口行中書省叅知政事
護軍追封魯郡公配高氏萬寧縣尹榮之女初封恭人再封
湯陰縣君累封高陽郡君進封高陽郡太夫人追封魯郡夫

人恭謹令淑孝敬事姑惠慈睦姻性多愍惻口樂施予聞故
舊家有喪致廢飲食拯閭里貧病如拯溺焚魯公待客好豐
諸子隆師蓄書嘗饗簪珥以繼其資雖居中饋經營彌縫能
使夫子處約之久不失令名有古賢媛之風焉至順四年辛
未五月庚子卒口口州壽六十有七口僉樞而下皆以安陽
公貴推恩伯子有恒大寧口傳學正謂大理路軍民總管府
知事篤於養志力於幹蠱魯公年四十不親細故內獲夫人
儉勤之助外藉伯子開敏之資口口安居樂道傳致教子以
有今日先魯公祥之二日卒年四十有五時論惜之娶李繼
狄集賢直學士文忠之女仲子有王是爲安陽公登延祐二
年進士第初授同知遼州事歷山北廉訪司經歷吏部主事

南臺內臺監察御史詹事院中議中書左司員外郎右司左
司兩郎中兩淮都轉運鹽使兩爲叅議中書省事治書侍御
史陞中奉大夫兼奎章閣學士院侍書學士同知經筵事拜
中書叅知政事轉通奉大夫以本官知經筵事在位有相業
臨事決議不愧古人以封讓祖姑者其初娶景州儒學教授
永平趙兼善女金源世科進士家也繼室趙氏銀青榮祿大
夫中書平章政事魯國公世延女也並封魯郡夫人叔子有
儀經筵檢討武昌水陸事產副提舉娶劉平江知州傑之女
季子有孚國學上舍生登至順元年進士第授承事郎湖廣
等處儒學副提舉改湖廣行省檢校官娶張繼賈安慶撫管
汝口女也女二長巽貞適江西行省都事趙葵次安貞未祿

而卒孫男四寶山燕山白者黑者孫女五小茶三茶增茶順
茶相茶公器識深長學問篤實內行慎獨外交盡忠性不能
酒長夏盛暑衣冠儼然書不釋手爲貧謀養不擇祿位仕間
關外補四十餘年儼崖以居糴市以食親故嘗靳之曰君位
劣祿薄親年又高何捐介至是公笑曰爲臣當廉何有大小
之別記獨不云小臣廉乎宋夫人年二十八居發守節自誓
迄公成人教育甚至公逮事終身子職無闕司征長沙作綵
衣堂以志其樂宋夫人病利力求去職侍疾寢食爲廢初喪
號慟絕而復蘊旅殯原上苦出廬墓者三年每晝端坐木下
狀如泥塋樵夫牧豎過而視之始驚爲公年踰五十時祭必
哭哭必致哀喪禮倣古不用緇黃人始議其儉及送終之厚

祀事之豐莫不願習行之既祥非疾病蔬麪不御臨江之際
訝吏再四必後其妻堅守邱壠乃去今長沙人卽公廬墓之
地作書院以表其孝請於中書得永額所植松柏愛護之成
林晚歲研精理學易費之年正月朔日命諸子講周子大極
圖說至原始反終慨然而嘆因論人世修短有若將終焉之
意舅氏宋君寶蚤年擇師訓公遇若已子公迎養以禮有子
爲娶令族俸入盡以資之□□□□東程岡因以東岡爲
號後更號真拙著經濟錄四卷女教六卷尤長於詩有東岡
小藁傳於世仁廟初策進士漢人賜緋者十有一人唯安陽
公年則二十有九父母俱慶時人歆之每以爲義方之勸公
在會福安陽公官已卿士而公身敎嚴厲安陽公出入必咨

廟然前修家法公疾疢神謁醫靡不卽至公薨貧不能治歛
又思得美槨哀慕不知所爲朝廷聞而厚賻之始克歸塋塋
墓土未燥安陽公數遷遂至宰輔故贈親之典脩極哀榮惟
公生平種德行義自厚於躬而遠巡遐謫未嘗有幾微責報
於天求上於人之意迨夫積善之報在理必然則人固莫之
與京天亦莫之或違也狀公行者爲今南臺侍御史濟南張
公起巖志公壙者爲今御史中丞浚儀馬公祖常至玄爲神
道碑三人皆安陽公同年進士嗚呼斯亦他貴臣家所難而
魯公有焉銘曰

凡矣魯公生而敦龐爲儒則通治吏不厭庸通不窮者庸徒
枉吏死則蒙乃昏然紅發聲粵禹初武之聲嬰身事衝不喪

不擬處民有仲過事無慊或縱爾于置或逸爾于鎡或觸爾
倥侗或輟爾鈞塿世涂憧憧公志恹恹為于泚泚與俗琴腔
且新且固執執控盤桓令終德厚信紅荆士景從鹿隱維
麗江夏徇風黃孝無雙醜何為濫導民為江漪源之鴻沿流
從從高陽豐形庭堅瞻降仲才棟隆仲力鼎扛公也亢厥宗
仲也真我邦鍾水冲潮太行崆峒徧山為雄厭水勿澤若堂
其封堅珉如紅石人載礪其樹如幢仲詞春容銘諉友恣公
當如崇仲

翰林侍講學士通奉大夫知制誥同修國史兼國子祭酒
歐陽玄撰

翰林學士承旨榮祿大夫知制誥兼修國史趙孟頫書篆

龍靜處士華紹之曰勒

明道四年歲在戊寅八月吉日建

中州文表昌欲謁安陽公墓以事不果從吏云墓有公神
道碑高丈二尺餘四面各可四尺皆有字趙文敏公書也
昌使之拓墨本以來廼安陽公之父魯郡公墓碑歐陽文
公爲文華紹之集文敏書刻之安陽公終廼無爲文刻之

碑者

中州金石攷引

中州金石記許熙載神道碑至元四年八月立歐陽元撰
趙孟頫正書并篆額在彰德府城西北熙載有王之父有
王旣貴乃爲父立碑張起巖爲行狀馬祖常爲擴志歐陽
元爲此碑匠人皆熙載同年進士孟頫字亦極工整是生

平經意之作古人書撰碑碣但自書徇無書通家子姪等
字樣今人則用之何積習之難返也

授堂金石文字續跋追封魯郡公許公神道碑載許熙載
字獻臣初以行省檄辟德慶路提控案牘由是以本職歷
承衡兩路湘潭一州凡三考成資調長沙稅使遷臨江撫
州兩路總管府照磨進將仕郎湖廣行中書省理問所知
事改從仕郎會福院照磨兼管勾承發架閣庫熙載有王
父也附元史有王傳後然書其官階甚畧又傳云熙載仕
長沙日設義學訓諸生既沒而諸生思之爲立東岡書院
朝廷錫額設官以爲育才之地以碑考之有王喪母宋夫
人旅殯原上苦由廬墓者三年後長沙人卽公廬墓之地

作書院以表其孝請於中書得永額然則書院賜額爲有
主孝思所致與史所書不符豈由當時木入刺沙構怨言
以書院不當立而爲文者故有微辭與傳載有王二弟有
儀有孚碑書有儀經筵檢討武昌水陸事產副提舉有孚
國學上舍生登至順元年進士第授承事郎湖廣等處儒
學副提舉改湖廣行省檢校官官皆足補史傳書官之畧
案碑少有剝損惟後載能靜處士茅紹之口勒勒上一字
鐫鑿無可仿据中州文表及郭文簡並云集趙文敏書是
集勒也紹之與文忠同時見至正集有同茅紹之飲野人
家蔬圃二首詩卽此碑題能靜處士者觀其與許公偕遊
可以徵似其人矣後又載至元四年歲在戊寅以紀年彙

考推之是爲後至元中州金石記授堂金石文字續跋悉列入前至元是時許公猶未降生也許公以至元二十四年六月生迨後至元四年立碑公五十二歲距家魏國公之卒在至治二年六月巳十七年矣二跋皆沿於不審戊寅紀歲乃致此誤故書之以爲考古者戒

元鐘識

存正書至正五年正月今在府城隍廟

案鐘識上層八方方各一字皇帝萬歲宰臣千秋下三方各有識文云彰德路安陽縣西關勅大上清正一宮太歲乙酉至正五年正月上吉日謹誌銅山鎮匠人王通大上清正一宮卽今西關西北里許白龍王廟元時正一宮舊

基也

彰德路儒學營修記

存正書在彰德府學後至元四年

彰德路儒學正燕九萬學錄許中行貽書有壬曰九萬

缺四

至正集補我等

何以承學

缺四字事

是賴歲丁丑秋監郡苟

公以上丁祀近獻官行事待次有

字缺

而茲

字缺

帷

揚之

缺八字書歲假

則補敗之人用怨譴大非所以事神也

乃命錄事任允中董役作屋不浹日而

缺八字東西建

有次

人永無撓矣明年五月又以廟門木朽不任啟閉仍命任允

中

缺十二字撤而一新

垣之缺者完之廟宮崇嚴士民改觀

缺六月總管杜公始殿謁而塗

缺十三字堅剝落容光

趙時

敏其鑄巧其墜尚懼不密復作承塵為板凡四百方上子

安昔之缺上字產不敢小而畧也敢請有壬聞而喜曰善有小平

襍其小不缺三字大者缺一字國制有司主缺八字學風紀下

玉者缺一字如其缺一字一獎必修一墜必舉者有缺三字典缺一

習故缺一字身雖缺一字至而目不一缺七字顧者善非缺一字非缺一字

矣而其大者可不勗哉詩人頌魯僖公缺四字能蓋嘗三復

缺八字其辭以有說缺四字焉穆魯侯敬明其德敬慎威儀

維民之則又曰明明魯侯克明其德缺七字又曰廣德心缺一

字夫敬修治缺一字而缺一字之缺一字以缺一字身缺一字教缺一字進缺一字之功至矣推以

字意缺八字若夫津缺一字以身為教缺一字進缺一字之功至矣推以

覺人人是效缺一字則故曰克廣是心缺一字其缺一字矣大學明德

新民之事也上之所以教下之所以缺三字於是哉缺三字

已學之學者缺四字乃者也孔子天也不可階而升也缺二字

見諸詩書易春秋缺九字者皆學階而升者也缺三字詩明

德之要其當致力缺六字之先是為教缺一字僖公不缺六字

下以是非魯之多士乎不是之求而或詞華之是訓缺七字

趨作干譽缺十一字緣節以適廣合萬間無益也相古名郡

也宋則忠獻韓公缺六字興設兵毀缺十二字國初興修

已總管王道重建繼之營修者時有人焉缺十字惜其不得

也缺十字荀公凱名德遠缺三字二公之有志於學士之

歸美其上缺十八字可書也書頌也書

至元四年歲在戊缺一字九月吉日通奉大夫前中奉大夫缺

榮大夫知制兼修國史趙孟頫書

下字缺

案碑損泐校以至正集爲補全文如右但後題銜至元四年趙孟頫書亦鄉山粗知習其體者冒名爲之然不審家魏公當至治二年六月卒已久矣縣士人尙奉爲魏公遺翰故不可以不辨

彰德路廳壁記

存正書後至元五年十月在縣署

彰德河朔之雄郡也守茲土者率多□□□□□廊廟之名臣故其廳事宏□壯麗□□郡皆□□□久漫患弗飾至元五年乙卯監郡萬家奴剌公總以杜德遠太中同知忙兀海牙朝列判□毛剌與□襄推府□壁宏德經歷王翊承事

知事王敬將事照磨王公弼相謂曰府治者宣化讀法之地
理政教民之所昔之創建守其營模可謂大且勞矣今見而
不修治之豈惟廢前人之績貽將來之誚抑何以饗民庶之
觀瞻乎同寅諸公咸唯唯共爲之於是凡益興事撤故易新
梓匠朽人衆藝偕作浹旬之間輪焉奐焉官舍一新之後而
政令亦一變其故矣凡工商物置悉發公帑以給之無虛取
於民者蓋府之營口口諸公之來則節約用度積以爲營繕
之資是以口口雖繁而民不知擾也又造公用什器凡若干
皆口息之利也於戲一事必實益於官一物不虛取於民君
子曰處官事如家事愛百姓如妻子諸公其口焉且命僕爲
記勅諸掾氓以告來者俾相續於無窮其公勤節愛甚深思

可謂至矣彼視公家爲傳舍者聞諸公之風亦將有感而
興起也今列所造什器等事於左至元五年己卯秋月吉日
安陽尹趙時敏記

本路營運官本中統鈔壹仟貳佰叁拾貳定叁拾柒兩柒錢
赤金壹蓋貳付計重壹拾柒兩肆分白銀帶蓋索壹瓶貳
隻通重伍拾兩白銀壹瓶叁隻通重陸拾兩銀瓶壹雙蓋
壹付通重伍兩柒錢伍分銀甄樣臺雙蓋壹付通重柒兩
口口銀口臺蓋貳付通重壹拾兩白銀孟子壹箇重壹拾
兩銀孟子壹箇重柒兩鍍金銀瓜蓋壹箇重四兩叁錢口
鍍白銀香盒壹箇重柒兩四錢鍍金白銀香爐壹箇重壹
拾陸兩貳錢白銀水觀壹箇重肆拾貳兩伍錢白銀盆重

肆拾兩白銀交椅貳把五口銀交椅壹把脚踏肆箇內銀釘金釘壹箇銀口花釘壹箇銅釘貳箇雜色絨錦条褥肆拾叁箇花布条褥壹拾叁箇簾皮条褥通壹拾壹箇鴉青紗帳并暖帳新舊陸箇新舊雜色頂幔壹拾箇門簾陸箇雜色錦座子肆拾叁箇簾皮座子新舊肆拾柒箇紅綾并紵絲等被兒壹拾張白氈五領花毯貳拾肆箇絨錦搭椅柒箇銷金門額彩色柱衣陸件首綿襖褶兒壹箇彩色雕花細酒棹并心紅大小酒棹叁箇帳幔床貳張心紅等兒棹兒柒拾叁箇大小鐵鍋紅漆盤仗等物壹阡叁佰玖拾玖件

分司暖帳頂子玖箇雜色条褥陸拾肆箇雜色座子壹拾捌

箇門簾陸箇紅錦被肆張白細氍毹領大小花毯貳拾肆
箇鴉青紗帳陸箇鎗銘盆銅鐵口盆柒箇心紅小棹肆箇
諸雜什物壹伯件

在城驛鈔臺蓋壹付壺瓶壹箇孟子壹箇通重白銀貳拾肆
兩陸錢鋪陳等物叁伯捌拾肆件付物肆伯貳拾陸件

至元五年冬十月上旬吉日安石本路司 王思義書

提調劉秉 胡 董安陽張景立

案河朔訪古記彰德路總管府故老相傳黃堂廳事肇啟
建於節度韓重贊宋太宗歸自河東視其廳曰朕之所居
亦不過也上欲留宿重贊奏曰臣以一方之力積歲成此
今陛下居一夕卽虛之矣不免勞民重建乞賜守臣豈勝

榮幸上乃命設幄宿於廳下而去至魏公大加完飾郡廨
園亭雄壯華麗甲于河朔故此記云府治者宣化讀法之
地理政教民之所昔之創建守其營模可謂大且勞矣盖
指此也又稱監郡萬家奴據偃師金石遺文補錄達魯花
赤鎖弼公去思之碑云我元德暢九有際天薄海治仍古
郡縣而百司庶府其布星列每正貳之上以國人一員總
之猶古之啓監焉與元史百官志牧民者曰路曰府曰州
曰縣其長則蒙古人爲之而漢人南人貳焉者其旨相合
故達魯花赤在郡則爲監郡在縣則爲監縣近人多昧其
義是以爲著於此

存行書至正元年二月立在今府學

嘉議大夫陝西□中道肅政廉訪□副使郭思□撰

亞中大夫□河□河南道肅政廉訪司事杜□□

正議大夫□書□御史同知□□□□篆題

相爲河朔名郡州學之置□自古昔至於聖朝有國列聖相
承尙文崇教屢出前代郡在邦畿□風之盛日逾一日茲可
以見皇元之德大以洽孔子之道尊而明也然春秋薦享稽
諸祀典備三獻而闕九成者亦有年矣□八音之器不克具
與抑具□器而□□□□未及舉之與將事幾之會必有待
乎其人者也至元戊寅夏六月定興杜公由中書左司□□
□□□□□□□□奉命以總管來蒞茲郡下車祇謁大成

殿已乃與學官而進之詢以學規且□□右克諧堂□□者
何□□□□燕九萬學祿許中行合□□□□前總管□□
□□□□□□□□郡□以祀未有樂率□□爲綻者一百有
三十□□□□□□製之□造□八音之器其別六十又四既
□未用□公遷□□□□□□□□意□故貯此耳公
既詳其本末謀舉而用□□□□□□同知府□□□諸公咸
曰日□□□□□通□既頌□□□□□□□□□□吾
輩事况雅樂素具又一□也特教肄之功耳復□□□□
公訪之縉紳□傳求□□律呂者適會前太常禮儀□□□
□□□□□□□□里延致以禮典正音節選儒生之妙齡
俊秀□□而閱習□□□□□□□□□□監郡□等皆曰可

癸廼以巳卯春二月□□□□先聖先師金石在縣絲竹就
列禮行樂舉間奏迭作鏗錡清□既翕而繹升降拜起維序
以和遠近觀聽□欣慕向教□□□□□□□□學錄
計中行跡其事來請紀實予聞公之爲治一本□德安靜悃
幅不務名聲吏畏而□民安於善可謂有古循良之風□□
□□□□□□和之以樂既竭誠於報本復敦化於揚俗
意者將漸仁摩義浹肌淪膚宣太平之澤卽□□郡人乎公
初以國□□□□□□□□□□之寄其於修已治人
之方講之熟矣其見於設□安□盖自出其平日所蓄積□
□□常□□於監□□篤□□□書□□□□□□□□
□也政之易成豈不在是予與杜公嘗同爲御史柏臺又嘉

二公之賢□□□□事書以示後之人謹記

朝列大夫彰德路總管府達魯花赤兼本路諸軍與魯總
管府達魯花赤管□□□□□□訥

太中大夫彰德路總管兼本路諸軍與魯總管管內勸農
事杜□□

朝列大夫同知彰德路總管府事□□

承直郎彰德路總管府判官慕璜

儒林郎彰德路總管府推官趙璧

通仕郎彰德路總管府經歷□□

將仕佐郎彰德路總管府知事□□

將仕佐郎彰德路總管府知事孫居仁

彰德路總管府提控按口兼照磨口口

至正元年二月日教諭王克彬學正李允中學錄許中行
張師顏真學徐孺

案碑半漫漶不可屬讀中州金石攷存其目云府學習雅
樂記至元己卯郭思恭撰者卽此碑也今碑前列銜嘉議
大夫陝西口中道肅政廉訪口副使郭思口撰尙存一思
字彷彿可見然金石攷作至元己卯蓋修雅樂之年其立
石在至正二年竟攷之未及矣碑言春秋薦享樂闕九成
据天歷二年置雅樂講堂迄至元己卯僅十三年何爲廢
焉不講此有司之過也予攷錄其廢興之由屬勸於當事
者前題郭思恭撰見至正集故集賢直學士兼國子祭酒

郭公墓誌銘拜監察御史出簽燕南河南兩道廉訪司事
歷雲南漢中淮西三道副使與此稱陝西漢中道合

彰德路儒學雅樂記碑陰

存正書

錄事司義

夏 男王守中王守明

村地壹

畝叁

以備春秋

用 施巾

祭 樂 用

雅樂生

名開 于石

第一層

誠

安

陽縣

祥張

誠

缺

第二層

希聖

王中徐思敬張奉申王

肄張毅

李諒張

周缺

第三層

胡高明李謙

缺

第四層

許祖鵬炤福張

張缺

案碑陰殘字皆記當時習雅樂諸生名氏太不相屬姑以元刻存之

草堂杜公南游紀行詩

存正書在府學明倫堂至正二年六月

苑對連青瑣宮桃蔭紫苔薇垣輝內座華蓋映中台文化隆
千古口流洽九垓鶯歌春曉院鳳舞晝瑤璫柱史嬰鱗諫口
臣錫燕回春秋元凱癖史記子長才西謫巴山道東游浙水
隈口雲口倚仗見月獨口臺口語僮能會鄉書鴈不來荒荒
暝色起烈烈疾風頽口寢聽猿口口口助口哀青燈寒照雨
香篆暖飛灰髮短思口白詩成仗友裁對花休口淚置酒強
銜杯燕趙雲天迴甌閩島嶼開官餽星火急此病口肝摧漕
海舟驚覆租田水湧災廬儲殫簪合鼎餽得鹽梅玉口調三
統皇猷叙五材小臣南斗下拭目望蓬萊

礎湘雲生壁庭

空雨長苦清秋探出穴曉日望天臺跡隱閑三逕神遊遼九
垓翔鸞雙宛轉舞鶴猶鵲鵲芝室虛生白口舟晚棹回鹿麋
傳野性鶴鷺足英才散髮長林下流觴曲水隈草荒吳子國
兔走越王臺陵谷嗟時變江湖送月來地晴村逕出溪漲岸
沙頽諷詠休文盛口臨口口哀丹砂能點鐵螢火不成灰郢
士蘭常佩吳姬錦自裁口口口淚遙上萬年栢御柳春煙
覆宮桃曉口口口口鄉夢覺花落人心摧忝祿慙無術占年
幸不災茹芝頻采菊口遠重口梅天上廟堂器人問樗櫟才
鵬鵬笑斥鷃飛息在蒿萊螢火口依草鷓鴣涎冷篆苔星樞
高映極雲路穩登台象口口雙闕奎章曜八垓衣裳垂黼黻
干羽振琫琕應障南飛去口旂北狩回守成思口業爲治口

□□□繞蓬山域龍翔折木隈翰林通禁省執法照中臺雲
影日邊□玉帝天上來崑崙□地□□柱障□頽歌鳳傷周
末書麟重魯哀月宮□□□□□□灰□奏□□□□
五色裁□□□□□□□□□□地遠君親□□□□開
□□□□□□□□□□摧□有豐稷慶人無天札災官鄉□
□□□□□□□□梅松菊家□夢梗楠棟宇才携琴□故隱三
徑久荒萊□□□□□□落石苔□山分岳瀆地位列星
臺文質承三統恩□□八袞翠□雲縹緲□□□培塿氣轉
洪鈞泰陽生斗柄回朝廷繩祖武草野得人才鳳□彤庭下
芝生玉陛隈□□□路寢□脩候□臺□□傳宣出儒臣進
講來會同星拱北□報月西頽□□知耕□豐年不□哀月

涵雲母影蘭藉水沉灰國典中樞秘□書上帝裁□□□□
□□□□□□□□□□階薄□□當殿開□□巖□□□□
□□□□樂□崇德調元重弭災避人焚諫□□□對宮□
□□□無寶□秋楚有才寵光深雨露詩賦北山萊

右草堂杜公古詩四首僉浙東憲時所作也雄渾典雅冲
澹和平□□□義所發關繫豈不重歟方今□□□明
良□□□頌復作於唐虞世矣公相人名□□字德□□
□□□□□□□公曾孫也緱山文學據章伯蕃書以刻
石□□□□□□□□□至正二年壬午六月二十又五
□前進士 缺

案石刻殘剥後有跋語亦斷脫其云公相人名□□字德

口是爲杜秉懿也此詩爲僉浙東憲時所作然其歷官証之魏公神道碑秉懿爲奎章閣學士典籤博士兼經筵官與修皇朝大典拜陝西行臺御史卽詩所謂翰林通禁省執法照中臺也其後爲中書叅知政書則見元史順帝紀實當至正十三年四月此刻既殘秉懿名又字僅存一德字証之河朔訪古記是爲字德常也

彰德路重修孔子廟記

存正書至正四年七月立在彰德府學

太中大夫禮部郎中趙亨撰

進士承務郎彰德路總管府推官杜彥禮書丹

中憲大夫同僉太常禮部院事趙期頤篆蓋

國家詔天下郡邑皆立三皇孔子廟然伏羲神農黃帝皆以
聖人得天位故其功德被天下後世孔子雖聖人不得位亦
其功德被天下後世不然豈得與三皇並隆而享萬世廟食
也是知孔子之得□祀於天下者不以位而以德嗚乎盛哉
然廟而不□□□故又因孔子廟而遂設學廟學之隆替
係乎郡邑守長□□於否彰德河朔名郡距府治西南一里
舊有孔子廟宋□□□□魏國韓公實經理之金源氏之
季蕩於兵國初興復而未宏故歛後郡守王道大加修建逮
今又七十二年矣至正元年京兆王公由監察御史中書刑
部□□□□□□爲總管公儒者也讀書能文章始至廟
謁□孔子像設色采□泚殿陞圯毀而且狹隘春秋行事登

歌宮懸陳□□□□廡□陋□□閣傾仆師生廩膳不給□
養非宜顧謂僚案曰廟不修□□□□□□廟學弛壞吾
黨曷以追其責乃與監郡□□□□□□不花判官慕瓚
暨開府使佐詢謀僉同合志協力捐修□□□□□徵庸
陶甃市材改作東西兩序爲屋十□□□□□□植北
麗增廣階陛倍尋有奇禮行樂作恢乎餘地更飭孔子暨十
□□□神位肖貌正配並列殊失倫紀且邨國□□未登□
□□稽祀典至是增像二公合爲四配東坐西向以安神棲
繪□□子後世大儒三十四人於東西序神幄供具禮樂之
器咸一□□□既訖功公乃躬率僚吏學師弟子釋奠於先
聖先師增置學田伍拾畝蓄本錢若干經以廩師生由是郡

之俊民皆興於學□□於化民成俗之道可謂知所本矣
始公之來值歲大旱隨禱而雨逾年又旱請於朝得錢爲□
一百萬半以市米半爲細錢籍饑民八萬四千五百餘戶計
□月給所活詎止億萬計是歲詔免所屬租稅絹爲疋八千
四百三十八絲絮斤計五千九百包銀四百米六萬餘斛蓋
從公累章之請也□有鬻子□□□□贖以已貲歸其父
母襄河爲患疏鑿六七里溉田數百頃民患既去而且得利
迹是皆公爲政之大凡也孔子論治國之要□□敬事而信
節用而愛人凡是數者豈非敬信愛人之事乎自非文□明
於理而勇於義力行□學而不惑者疇克爾邪余嘗爲部□
□廩問郡邑所至首揭孔子廟□學聽講每見長郡邑者視

廟學之□□□以爲不急雖有孔子廟或怠於修治雖設學
校失其所教養餘每進王者而□□之雖黽勉從事卒多且
文今公能□□□學既新孔子廟又爲經營學事俾有恒規
又能推孔子之道□爲政是皆可書也故因記廟學併及公
之善政一二大者於以見儒者之効云是爲記公□□事判
官張允恭董之教授楊伸□□贊成之公名由義字仲方同
州朝邑人今爲兵部侍郎至正四年七月朔日記

儒學教授林盛學正王受益學錄胡恭直學齊克順學□
王□□立石

案碑前列太中大夫禮部郎中趙亨撰進士承務郎彰德
路總管府杜彥禮書丹中憲大夫同僉太常禮儀院事趙

斯頤篆蓋以篆額爲篆蓋金石文異例也趙亨文亦疏達
其叙總管王由義興學始末特詳碑云國家詔天下郡邑
皆立三皇孔子廟元史祭祀志中統二年夏六月詔宣聖
廟及所在書院有司歲時致祭月朔釋奠元貞元年初命
郡縣通祀三皇如宣聖釋奠禮此其事也又云邲國□□
未登□□□稽祀典至是增修二公合爲四配東坐西向
以安神棲据祭祀志延祐三年秋七月詔春秋釋奠於先
聖以顏子曾子子思孟子配享而此碑猶云邲國□□未
登蓋郡縣奉行猶未如條詔也碑末書始公之來值歲大
旱隨禱而雨逾年又旱請於朝得錢爲□一百萬半以市
米半爲細錢籍饑民八萬四千五百餘戶計□月計所活

詎止億萬計是歲詔免所屬租稅絹爲疋八千四百三十八絲絮計五千九百包銀四百米六萬餘斛証之元史順帝紀至正元年三月彰德路安陽等縣饑賑鈔萬五千錠四月彰德饑賑鈔萬五千錠王君至正元年蒞彰德卽始來歲旱也紀又言二年二月彰德路安陽臨漳等縣饑賑鈔二萬錠卽碑云逾年再旱也土君以累章之請爲民恤患如此然不得見於史文殆良吏傳所云元自中世以後循良之政史氏缺於紀載是也故予爲悉書之別見於循政記

重修廟學碑陰

存正講

前任僚案

朝列大夫彰德路總管府達魯花赤兼本路諸軍奧魯總管
府達魯花赤管內勸農事萬家訥

嘉議大夫彰德路總管兼本路諸軍奧魯總管管內勸農事
王由義

朝散大夫同知彰德路總管府事閤里不花

承直郎彰德路總管府判官慕瓚

儒林郎彰德路總管府推官趙璧

承事郎彰德路總管府經歷李克讓

將仕佐郎彰德路總管府知事孫居仁

彰德路總管府提控按口兼照磨王讓

案碑陰載彰德總管府僚案與至正七年刻漏銘碑陰相同惟提控案牘兼照磨不帶承發架閣微有異

安陽縣金石錄卷十二

偃師武虛谷先生著

安陽縣知縣鐵嶺貴 泰校梓

遊三臺唱和詩賦石刻

存正書至正四年立在彰德府學明倫堂壁上

侍左轄先生遊三臺懷古有述 衡陽馬熙明初

星黃日懸秋聲豪衡漳經鄴波滔滔阿瞞口正欲口事築臺
遂記當塗高前爲金虎後水井銅爵中居更高迥口口宮闕
令諸侯遠攬荆吳作藩屏舳艫煨燼投烏林東風假便機尤
深口口不斫公瑾胆夢裏愛妾良苦心天昌帝胄振西蜀力
挫雄圖成鼎足登登九仞竟何如一簣未完難進覆晚年二

豎巢膏肓私擬周文王子來神助在至德此宮杵鋪皆民瘡
分香遽作妾婢語豪氣彌天僅如縷而堂而構付忘言了事
佳兒應默許馮高珠翠已晨星謾期朝夕瞻西陵食槽二馬
忽歷塊霜蹄一蹴崇基傾舞陽亦是狐媚者身後同口羯奴
罵經營次第屬中山不改漢年唯有瓦趙亡燕滅葺者誰構
未鮮口鮮卑兒寧知蒲目盡禾黍梵宮琳宇又據之往年讀
史殊草草此日登臨陪國老酒闌歌罷投荒村說與西山應
絕倒

次明初韻安陽許有壬可用

匡朝本是人中豪誰令倒海流滔滔炎劉火力盡資土簣進
欲與天俱高谷陵變遷劇改井乃有殃池尉遲迥狂圖一旦

雖幸成惡跡千年豈容屏臨江率旅空若林銷沉兵甲江水
深只言拊手天下定不知吐哺誰歸心當時勅敵無吳蜀蹴
踏乾坤勞一足果然蔓草猶難除傾矣天仍不爲覆漢家病
已深膏肓不能王人人自王坐令流毒徧四海重爲屠戮輕
爲瘡荀公初信退讓語瀝膽披肝陳醜稷壽春仰藥固可傷
帝且綴旒方播許莫將基禍尤黃星亦教遺臭爲高陵十功
九錫成筭在地維遂裂天柱傾奮威死者無健者身不遭誅
骨遭罵至憎甚欲及儲胥底用更求台上瓦發邱摸金將遺
誰敢擬舜禹真其兒荒涼餘址圯未盡更煩漳水湍磨之秋
風蕭蕭動衰草天幸無情天不老鳩居幾換未暇哀翻手司
師戈又倒

三臺賦

至正三年九月二十四日有壬僭明初馬徵君游三台明初有長句既次其韵永歌不足又作是賦其詞曰

歲癸未秋九月霜清寒薄天宇澄澈塗無長泥庭有積葉高陽子逸興作呻畢輟趣膏秣事登涉壺清露之芳醞從白眉之佳客乃渡清洄稅駕乎鄴覽山川之形勝弔陳跡之未滅客乃指顧而相告曰子亦見夫三台之巖巖者乎冰井峙北金虎踞南銅爵巖巖中立而三若稽作者振古所慙欲祛我御不能縷談子亦欲聞其凡乎高陽子曰噫昔有塗巷話古事及漢季小兒聞曹敗則大喜劉蹶則顰蹙而出涕蓋人心天理之所同况怒其人而覆其地因其跡而聲其罪不亦宜

哉客乃言曰吉利之生姓不自知由嵩曰首夏侯何稽舞戟
禦捕啖葛如飴誑草以疾拒客以泥睥睨一世岸然肆欺雖
槁何之見異卒莫逃子將之譏謂興義以寧國致群材之景
隨爾乃叔遷乘輿地尊天卑燹倫攸斁大厦以墮及乎袁尙
旣敗審配亦摧黃星斯應赤精遂微入鄴領冀州之牧中天
植不臣之基慮幾人之稱王乃居之而不疑幾實幾杵成茲
崔嵬子午梁貫愈出愈奇三山鼇戴雙闕鳳飛連薨複道相
爲蔽虧累植山積周軒雲齊陽宮冬熙凌室夏棲審曲面勢
有巧無遺衡漳浩浩乎其北隆慮靡靡乎其西收千里於寸
眸萃萬景於一時卷山河而匪席指風霆其在頤應劉王徐
倡酬諏咨登高能賦家有陳思父子放志欲長若斯天道惡

盈樂極則悲撫冲弱之季豹顧婉嬖之蛾眉語託人而哽塞
惟泣血之連瀉痛富貴之長違遽盡露其情狀彼一牀之八
尺容幾許之總帳要脯繡於朝晡競聲樂於朔望分香衣而
造履組舉瑣於屈纊其橫梁賦詩之雄發弭弒后之威奄忽
而俱喪匪不及乎纂代丕蓋定於主鬯鎖諸妓於幽闥望西
陵之莽蒼念舊寵而興悲抑茹怨而自愴霜鴈訴秋露花泣
春宰木行拱几筵有塵哀絃急管其聞不聞事往跡存如惡
未泯夫以精舍二十年之規欲媒藥萬年之爲君不知司馬
家兒已瞠乎其側而恥於附其翼攀其鱗也徒爲趙燕魏齊
之張本因之增侈重困乎吾民幸疊障之不鏟但表惡於無
垠今吾與子效小兒之顰蹙由欺孤之公議傾壺中之清醇

澆胃次之醜磊且以醇漢室征西之將軍魏家創業之武帝
子以爲何知高陽子聞而笑曰瞞乎瞞乎如客之言則爾之
罪窮天地亘萬世而不可賞矣然誅則以心論言不以人廢
乃歌其歌曰對酒當歌人生幾何憂思難忘唯有杜康於是
引滿竭壺興盡而返回望三臺渺茫乎醉眼

中書左丞許公釋機務歸鄉里與其友馬君明初游三臺
倡和鏗錡皆可傳者也公以詩未盡興又爲之賦瑰麗雄
渾而議論嚴密寓誅討之筆視千二百年間騷人墨客之
賦詠蓋無愧焉謹刻石於金虎臺道宮垂之永世且使姦
雄情狀不可揜於天下後世者尤較著於構築之地繼游
而誦之者亦足以快意云甲申歲良月承務郎彰德路總

管府推官杜彥禮識

張景紹刊

案詩首唱題衡陽馬熙明初据至正集送蔡士安經歷次
馬明初韻小註士安扁其讀書齋曰巢雲松今尋味詩篇
紅蓮綠水地有餘埜逸不足朱衣紆游心遠慕有巢氏雲
松况復如匡廬是明初潛德於斯可見矣明初與文忠唱
酬見頗多此題諸石刻者其一也

彰德路刻漏銘

存八分書在府學明倫堂至正四年立

資善大夫口中書

缺

翰林侍

缺

制吳口中書

燕吳秉燹守相舉墜理焚期月就緒身施於政殆

據至正集補無違者

死關

治復有資焉惟相地劇民夥晨昏有禁錮鼓之吏候至

正集補驗趣事遲速無節過故滋敝吏則非矣亦由無所考

以臆公私資糧屏履前政是急正儀審漏有不暇焉

吳侯懼事據至正集補也旁諏其制則而治之八壺既陳一

刻無忒屬銘於郡人許有壬以彰其勩以勗其繼以永其制

吁可以觀政矣銘曰

在昔觀漏水而制器也實惟軒皇開物混茫蒼姬秩職至

正集補遠寢無節瞿瞿刺狂沿襲曠代不胥以亡損益戾真

寒暑據至正集昧洪殺景差短長爰折其衷咨治孔良全壺

瀟清玉蚪引據至正集尾閭原於天潢盈科線出據至正集

印允符儀晷無間而暘據至正集用聚橐靡亢析因夷據至正集

神輿吉康昏明示信率由天常信據至正集補則民立我治以臧焯茲

據至正集補永憲嗣罔不獲

有元至正四年歲在甲申口月缺

案銘刻前列翰林待制吳名亦漫磨蓋吳炳所書也炳元史無傳文宗紀至順二年特命河南儒士吳炳為藝文監典簿仍與對品階又見歸賜傳同里有吳炳者嘗以翰林待制徵不起即其人也炳八分書深有古法漢淮源廟碑炳嘗重書偃師王輔嗣墓碣數大字亦炳所書今見於刻漏銘又其一矣碑云燕吳秉葵守相舉墜理夢期月就緒身施於政殆無復遺者亦一時之良也故為首發其端以著於後

乾明寺記

存正書在城西南隅至正六年十月立

資善大夫前中書左丞知經筵事許有壬撰并書

予謝事歸里有寺曰乾明主僧德訓時過予既乃相告曰佛

居据至正集補西室中華事之每窮土木之役然茅屋越席

神亦安之亦誠而据至正集補已吾驕荒者怠驕與怠相遭

濟之以貧寺日廢矣訓祝髮事据至正集補佛主豐約不敢

校歲久積楮幣爲緡萬五千有奇乃構大据至正集補雄殿

漏大興經始至正甲申三月落以乙酉十月据至正集補

小俱興經始至正甲申三月落以乙酉十月据至正集補

利計佛亦安之矣且訓見吾徒競錐刀如市商惟私据至正

身一日捐衣鉢啓据至正集健盡以奉佛焉公不我麾故敢以告据至正集

卷之二十一 陽明先生全集卷之二十一

補其徒福祐德成復踵願紀於石相城故多寺由隋迄五

門請曰微師吾寺幾墜願紀於石相城故多寺由隋迄五

正集補李有興無廢周顯德謂乾明者宋李回作郡志

中廢省存者僅二十而無所謂乾明者宋李回作郡志

補始列乾明禪院豈宋所建耶者為寺私為提蘭若若山台

易院為寺又不知何時唐賜額者為寺私為提蘭若若山台

野邑皆是也佛以清儉果樂此乎薪績床把茅蓋頭未開以

為宗其見勞人糜財武之禍由崇奉不能致詎不信哉訓也居

締構維侈為賢也武之禍由崇奉不能致詎不信哉訓也居

長蘆宗頤帥謂梁豐於佛懲其徒而矯其手哉今海內名山寺

而能儉積而能豐於佛懲其徒而矯其手哉今海內名山寺

散齋於身而豐於佛懲其徒而矯其手哉今海內名山寺

據者十八九富將於眾因而利之據至正集補此雖大小不

王侯有興作猶資於眾因而利之據至正集補此雖大小不

說高者深者入黃泉其淺而近者訓也其處乎余既聞訓之

徒之請求其故擬其法之緒餘為之副者有所徵焉

至正六年歲在乙酉

案記石半剥殘以至正集校補其闕文始可讀所云予謝

事歸里者元史有王本傳父熙載仕長沙日設義學訓諸
生既沒而諸生思之爲立東崗書院南臺監察御史茂巴
爾斯善作木八轉沙緣睚眦怨言書院不當立并搆浮辭誣賊有
王并其二弟有儀有孚有王遂稱病歸四年改江淞行省
左丞辭六年召爲翰林學士既上又辭據是則有王浮沉
閭閻凡數年故題銜稱前中書左丞至正改元時轉官也
其階資善大夫傳佚此不書記後云宋李回作郡志始列
乾明禪院蓋宋元祐中刺史李琮命其子同撰相志十二
卷卽所謂郡志也當許文忠時此本猶存故得以稽據取
信今無復存矣

刻漏銘碑陰

存正書在府學明倫堂

有元至正七年歲次丁亥三月既望武節將軍彰德路總管府達魯花赤兼本路諸軍與魯總管府達魯花赤管內勸農事沙刺甫丁臧吉太中大夫彰德路總管兼本路諸軍與魯總管管內勸農事王琛奉政大夫同知彰德路總管府事普顏帖木兒承德郎彰德路總管府判官馬德淳承務郎彰德路總管府推官姜彬承事郎彰德路總管府經歷國郁將仕佐郎彰德路總管府知事王大本彰德路總管府提控案牘兼照磨承發架閣李宏道建

案元史百官志諸路總管府達魯花赤一員總管一員此記沙刺甫丁臧吉王琛二人其職並與史符但同知有普

顏帖木兒而不載治中彰德爲下路故不置治中員又至
元二十三年置推官二員專治刑獄下路一員此惟推官
姜彬亦從下路之制也照磨兼承發架閣以記証之提控
案牘又兼照磨承發架閣矣

靈泉寺香鑪識

案鑪識正書陰文在寺佛殿內文云大元廣平路磁州神
廟安仁卿唐君卿王允中施香爐一鼎於彰德路神霄宮
內獻用計重六十斤至正八年三月日匠人穆廣成造爐
主陳鼎新穆彥溫保祐合家清吉元史地理志至元十五
年改洺磁路爲廣平路總管府磁州仍隸焉此題云廣平
路磁州與史合又神廟安仁卿攷神廟山名在州西四十

里山海經所謂溢水出神菌之山也菌與麇同字

造石香鑪記

存正書至正九年七月在永慶寺

彰德路安陽縣天禧鎮祈福保安清信士李貴暨男李從吉
於本鎮永慶寺

護國義勇武安王神位前敬發虔心建造石香鑪一座以保
清吉今用資鳩工建造完成謹卜良辰恭詣供奉安置了畢
惟王巍巍神武續漢朝百世之功蕩蕩英威立蜀國三分之
勲既功成於赫奕安享於綿綿今者酌之於後伏望歲時禱
請願聖德之昭彰遠近祈求托威靈之感格自茲風調雨順
國泰民安口之口不測之災合宅享大來之慶時大元至正

九年歲次己丑七月吉旦

謹案

闕帝神宇之盛起自宋而漸廣於元以余所得元統二年創建武安廟記在城西北隅觀音堂此又從天禧鎮永慶寺香亭石記以一縣之中石刻可見者如此其他廢毀無存益可推矣然考其稱謂頗不歸一元統二年者載崇寧護國真君義勇武安王此獨作護國義勇武安王當是十八相沿稱之不能如定號也

端公塔記

案塔記正書在靈泉寺石柱中行題洪辨通恬大師如意長老端公之塔左行有普修政行福慧元通真如妙道永

濟亨明蓋紀其宗派如是右側題大元國至正十三年九月吉日立塔背正行了端卽端公也又有普宣普貴普進普順四人是爲了端之徒下稱師孫修義修善修賢修旺修定修成凡六人

勅賜贈翰林學士文獻杜魏公神道碑銘

有序

存正書至正十三年十月立

資政大夫御史中丞知經筵事臣馬祖常奉勅製文中奉大夫侍御史知經筵事臣胡葵奉勅書字

翰林學士承旨榮祿大夫知制誥兼修國史知經筵事臣許師敬奉勅篆額

相之安陽縣王裕里有處士杜綏山墓旣葬之五十六年當

天歷己巳皇贈處士官翰林學士階資德大夫勳上護軍錄
魏郡公謚文獻越六年元統甲戌皇又詔臣祖常製其墓之
碑臣葵書其碑之字臣師敬篆其碑之額以賜曾孫臣秉彝
使刻臣受詔口監察御史臣口口序公口行口狀爲文曰
公諱英口文口口先霸州人口將口口口試口口口業文
辭規進取而公獨自霸州之信安辟地河南緱氏山中於天
下書靡不讀讀靡不記靡不見其趣詣上下今古於得口口
口之口靡有不究其心皆無衆人之存而口口待於口金口
口口口口口仕口口口走血氣不得寧而公獨閒闕轉徙以
詩書從容授徒汾晉間故中書粘合珪開府於相以書幣聘
公至獨教以緩刑薄斂口學口士興口口弊以脩口其民而

口以口平口之口口口口世祖觀政江南至相召公問
計公對以謂漢唐以還天下之趨舍安危顧法與食與兵三
者而已國無法不紀人無食不命亂無兵不守口口口之情
也口守口之殆口口矣口口之口口口之在聖主天命必
得今若控襄樊之師委戈下游以倒其背而無縮於銳是縣
車束馬而大業定矣更勸上數事以爲事不爾後當如此上
內之心賢公謂可屬以大用旣皆如云江南平即使至相徵
公公聞王文統當國輒引避使索不見近臣奏起公口大名
彰衛懷孟等路提舉學校官辭不就廼遺執政書其略曰口
口之道不明異端口說害之也橫流奔放天理人心不絕如
綫今天子神武睿斷俊乂輻輳言無不內計無不用先王之

典謨制度禮樂教化興明修復則維其時矣嗟乎簿書會期
文法末節□□所不□也執事者因陋就簡急急焉是務
良用□□□善始□□□能善終今不能溯流求源以拯數
百千年之禍恐後之弊將有不勝言者矣或諭使仕則曰後
之世雖去古□世遠而先王之所以設施制度其本末先後
未嘗有異也今不能因天下之□善以變夫後世之異政以
趨合先王之意禁焉而已其勢豈易易復古哉吾又不能窺
時俛仰以赴機察之會仕奚從益於是杜門謝客□□窮學
於世之貴富賤貧一無所動其心以優游□□於道藝以終
其身以歿嗚呼公之言若此其尤可以窺公之志也其所著
有春秋地里原委十卷語孟旁通十卷皇極引用八卷皇極

疑事四卷極學十卷律呂禮樂雜志三十卷口集口卷其大略不以一身之窮而忘天下之憂以爲不見其志於行事則將文以發其意文不克用於時則將以垂諸人後之人用吾言焉吾固不窮也公所爲作之意若此公口口口口口始公之學也口所行迄口不得一口以止蓋亦遯世而不悔者歟其志如此其仕不至於耽祿而斃時審矣惜公之去而不試於事也公氣貌魁偉美須儀望之儼然爵祿器也旣家於相中書界以相之良田畝口不受公口居市街者言當有黃金家人欲發視公斥止之公去居者果得黃金百斤觀公之存於二事之廉若不足數然公之歿也旣久其大者旣已傳於世而其小者亦不得略也公以至元十年九月十六日終於

家壽七旬終之日命諸子曰卽死當題我曰處士杜綠山墓
口口之碑從公志也公會王父信王父植父時升金隱士妯
張氏配孫先是東平遣使者奉書獎金馬聘公公未許夫人
曰士不幸生亂世守土之臣各擅命招集天下之士以口彰
弊口爲腹心一旦禍敗必有供賣同囚虜者矣公卒不行後
果如言後公九年歿附公墓追封魏郡夫人子男三人處思
警悟才學甫冠卒處立郡文學處愿終東平路推官有惠政
女適李氏孫男一人曰口處愿子也以子秉彝貴封祚議大
夫樞密院判官驍騎尉安陽縣子曰堅曰欽女孫二長適宗
顏從益次適王桓曾孫七人秉彝秉鈞秉直秉周秉客秉一
秉德女孫鸞適徐紹祖元孫三人元監脩國史掾如口口來

孫燕京如麟麟嗚呼公之事口矣故雖言公之言而所次上
此然卽此而公之爲人可見則亦豈得爲略哉秉彝爲奎章
閣學士典籤博士兼經筵官與脩皇朝大典嘗錄公之事以
述太史今拜陝西行臺御史而天子又賜公之碑且詔還家
立石相人見秉彝之來必曰是魏公厚積之馳有曾孫賢其
將大未艾則不寧公有榮也秉彝口賢後嗣哉我國家褒卹
隸嘉之意蓋益有徵矣故臣求其尤可以傳後世者序之而
爲銘銘曰

明明世后皇閑於天我征徂南捷捷其陳建我千旄於洹之
濱遑脂我車軌漭般般魏公在野誰適與謀學以待世靡愼
靡口維世后聖聘公於遺后曰公賢庶幾其來南國之痛我

恭天紀鳳鳴在雲魚泳于汜億億臣口盡瘁以仕矧是藝括
寧不我有公拜稽首匪臣有辭降極口矣民殫胥疲誰咎臣
者尚出位思大德受命昭徵靡遺口口口口觀國法與食
兵燕民孔極宋嘻茂矣孰其可追帝御六師以匡不獲同我
耄士藹我戎行鈎援戟鍔以臨樊襄勿進而待勿愿於揚鑲
其設俘涉自漢陽蠡行騎盟咸予之域后納公言試靡有戒
大命既集偃戈于革束帛詣公謂公來卽彼何人斯公胡罔
澤皎皎白駒在彼空谷考槃朝謳願言韞匱雖則口臣懋勲
有叙完黷壽考以綏後祿公口口口口口口口口口口乃
口口時有炳其云有鬱其閭璣緘辟露後公之文公生靡崇
歿有多祉兆相之郊從以孫子既六十年樹石墓趾天子之

賜曾孫之美曾孫之美追崇孔多有列群獻公延爾那哀如
之何矢詩不磨

中奉大夫中書叅知政事同知經筵事臣秉燹奉勅立石
案碑新訪得之微有缺字前題資政大夫御史中丞知經
筵事臣馬祖常奉勅製文祖常見元史本傳拜御史中丞
與此同其階資政大夫知經筵事未之及又題中奉大夫
侍御史知經筵事臣胡燹奉勅書字燹見馬祖常撰胡燹
政墓碑景先子燹轉爲中奉大夫遷爲侍御史是也又題
翰林學士承旨榮祿大夫知制誥兼修國史知經筵事臣
許師敬奉勅篆額其文述杜瑛事元史悉採爲隱逸傳碑
後題中奉大夫中書叅知政事同知經筵事臣秉燹奉勅

立石秉彛瑛之曾孫見順帝紀至正十三年四月

四當以作二

杜秉彛爲中書叅知政事二月壬戌以叅知政事杜秉彛並同知經筵事碑後列銜與史並合而史不爲立傳以碑按之秉彛爲奎章閣學士典籤博士兼經筵官與修皇朝大典拜陝西行臺御史皆其歷官可見者也皇朝大典當卽經世大典書已散佚獨見永樂大典中是秉彛嘗預編錄矣又前言故中書粘合珪開府於相以書幣聘公至獨教以緩刑薄斂

云

粘合珪不見年表蓋元初將相大臣年

月疏濶簡牘未詳者則闕之傳言開府爲相當據碑作開

府於相

勸請萬空廣公長老疏

存正書在城內天寧寺至正十六年口月立

大都諸山勸請萬空廣公長老住持彰德路天寧禪寺大安
祖道上額皇祚者天球之在東序雖有方宜祖意之說西來
要求元會矧曰宏揚任重敢云住持事繁萬空長老於物之
多即已也一自得有原之學便超無外夫方主開元既放如
是光明赴天寧必用這般手段色斯舉矣當類畫鋪之行能
無隱乎宜副同衣之望時不可失慎勿讓爲

至正十六年口月口日本山監寺洪仁提點洪良立

天慶寺住持貴庵圓珍竹林寺住持西山惟賢報國寺住持
雲峯圓會法寶寺住持恒山圓福海雲寺住持主峯文振延
聖寺住持寶林福元寺住持頤庵寶集寺住持則堂普應寺

住持雲峯聖安寺住持雲山慧從慶壽寺住持鳳巖顯德寺
壽寺住持翠峯普林萬安寺釋教都壇主

案疏稱大都諸山勸請萬空長老

云据元史地理志至正

元年中書省臣言開平府闕庭所在加號上都燕京分寧
省節亦乞正名遂次中都其大興府仍舊四年始於中都
之東北置今城而遷都焉九年改大都疏所云大都謂此
也其諸山則大都路領各州縣之寺略見此矣

口鄉北曲溝社下捨財施主孝子李珪等長供記

存行書在城內天寧寺至正十八年正月

夫人世施善者究未來消長窮已往回章歸洞明旨趣盡師
友道義但以施善者爲才能養善者爲德器悅善者爲珍寶

發善者爲事業所以施於心則心樂施於身則身安施於家則家和施於國則國泰施善口爲不得虛生於一時矣故我釋氏大醫王以慈忍悲利示方便門誘引情品存亡兩益手焉實以初中後善三法以聞思修進趣六度與萬行中有不思議之妙也施者有內外內以形體塵根外以財幣珍物皆爲功德母一段盛事也功德者可修而得之不修而弗得耳茲有曲溝社居李珪李珍李璧每思鞠育誦想恩懷恭伸哀念之誠當啟尤憐之至昆季同垂商略詣於彰德在城大天寧禪刹施財伍仟緡收入常住庫每歲抽息飯衆以資冥福可爲誠施以自他方一也敬陳追悼亡父李德林亡母趙氏作生死二忌父五月二十一日生十月十七日減母二月二

十日生九月十五日滅謹按芳辰拔濟幽靈超嚴佛國次淚
追修祖禰三代各化淨方輩眷見存枝榮獲福刻石之殷永
傳不朽

至正十八年正月吉日張景紹刊

知賓浩成侍者浩濟侍者洪喜直歲浩遇典座法喜副寺浩
政副寺恒增副寺洪仙副寺洪詠監寺洪仁維那浩直文讀
行雋藏主洪湛書記洪嚴監寺口性提點洪果提點洪良住
持佛心圓應大禪師萬空長老口廣口

案記爲李珪兄弟所作施財長供以資亡親冥福愚夫之
孝託以申誠未可云非也

邢尚書墓碑

佚

馬祖常撰

公諱秉仁字仁父起家丞相東曹掾授承務郎平江路推官
未上改承直卽濟南萊安等處鐵冶提舉口遷承德郎江西
行中書省左右司都事選充廣平彰德等鐵冶都提舉官外
臺各以名薦尋爲撫寧路總管加亞中大夫廣平路總管凡
十遷以禮部尙書致仕階承務郎至嘉議大夫凡六轉出委
中外率稱官守初提舉濟南諸冶賦民不困通立後業都事
江西行省婉畫直辭贊叶上下議遣官出廩米五十萬石賑
貧屬州饑衆難之公謂異日有擅發罪秉仁願獨坐萬口斷
斷待餉以活者不可指數也都提舉廣平彰德等諸省差戶

程功礦口悉給縮賈殖貨以利予農台辨爲最總管撫州口
使臨門賜驛之官撫境地稅戶卽賦木緯織布民病非所產
卽令輸直吏不得舞手取賄公私俱便之小旱禱輒雨歲連
大穰俗頗譁訐未幾民口健訟移廣平路教學者以雅樂祠
事先聖孔子立鄉校七百各有弟子師課樹桑億萬計絲纈
用饒民有婦妬妾妊而以妾妻奴者夫死而族人欲有其家
訟不央乃以子生月逆計母妻奴之時得實其民遂有後盜
僞以小鈔貫文作大鈔貫文如錢取鎔燃註誤七十人止以
首坐勸醫講黃帝越人書躬視惠民藥餌比去官民鮮天札
者賦有寸帛之羨立歸之主旣致仕益礪志讀書強記不怠
字書多楷法尤工古隸子溫由中書檢校官拜監察御史吏

部中書左司二郎中總管大名河間都轉運使

案碑据鄴乘刪節本收入略見其概所云秉仁改承直郎
濟南萊安等處鐵冶提舉元史百官志載有濟南萊蕪等
處鐵冶提舉司疑此稱萊安者安爲蕪字之訛食貨志延
祐六年始罷兩提舉司併爲順德廣平彰德等處提舉司
所隸之治云曰神德曰左村曰豐陽曰臨水曰沙窩曰固
鎮今碑載選充廣平彰德等鐵冶都提舉是也然不言順
德者順德當未與廣平彰德併爲一是秉仁之爲都提舉
在延祐前矣秉仁後移廣平路教學者以雅樂祠事先聖
蓋卽禮樂志延祐五年命各路府宜聖廟置雅樂而秉仁
能奉行之以淑其士民良吏之績莫著於茲然不附諸元

史良吏之後採摭之疎也

明宗政墓碑

佚

馬祖常撰

公諱景先字彥明少端默有遠操內自脩飭不求當世譽事寡嫂盡禮畜其孤如已子人有貸錢爲本業子本相將至萬千數貧莫能償主責之棘多自經公捐資爲償之里人謝爲券質公所公火其券歲大侵出廩實以贖其鄉既匱又賣田繼之至熟人將酬之不受盜有竊其牛羊者又竊所乘馬公知賊處不問人嘗具饌奉公公食而甘召庖人問之曰燔能澤濡能焦味美是適庖對以法上下釜皆新鑄合肉其中密

其款頂跡加火焉公曰毋得盜損乎味於適而器於弊吾弗
忍平居恂恂恭謹遇人無戚疏豁然無機噫或欺罔之不以
變春秋高矣出入間里常却車馬不御與故人父老遊或具
几杖□□□鄉人尊之謂翁其長者謂其子弟必教以□□
□致和元年卒年八十子燹由丞相作起□□□部主事官
十轉爲中奉大夫職十有二遷爲侍御史燹爲河南行省左
右司員外郎河南大饑使先發廩者如繹省臣以格未卽許
燹時代判省牘乃專發米三十二萬石所活五十萬餘人其
爲河西隴石僉憲隴右地極邊吏往往闕畧乾沒無所顧燹
按摘姦賊墨坐者十有一人釋濫繫者八人沒□四百五十
萬緡其爲右司都事有以西域僧卜兆言釋重囚以解除者

中貴人傳旨引富人於嘗死者至內廷將脫械繫白宰相置之獄其爲御史爲員外郎左司所言於上悉同案所不能具不敢言者臨事裁決引大體畧細故矯無所屈又聞其爲尙書戶部也天子入正大統故典親王宗臣庶官衛士錫予之數爲金幣穀帛以萬萬計時浹月間舉故典者再執事者請括金民間以充用時廷臣多是其議彛獨以爲不便乃稽諸內府之隱覆郡縣上供之實內帑藏積之美不給則令鹽商入銀以準弊大朝會遂無闕事臣攝官御史中丞知經筵事實與彛同署又見其蟬翼憲紀糾繩官表入侍講幄考質經義寔觀前世之變理亂興衰之際必委悉焉士論咸以誦彛而諫之語臣必曰魏公之教不敢忘意觀彛之事而質以其

言蓋可以知公矣

案碑由鄴乘節錄非全本其載景先子燹歷官行跡爲詳
燹見許文忠所作墓誌銘燹字安常雪楚其號也起家鄉
校官轉大都路儒學錄中書叅議器其才辟掾府中歷儀
曹宥府爲中書右司掾除工部司程工部主事除河南行
省員外郎省中有小人欲以權傾其僚公抗掾之力居多
歲饑贛省臣擅發廩活饑者僉河西隴右道肅政廉訪司
事行部京州辯盜牛之寃而正賊吏之罪拜監察御史遷
右司都事計事行在所張實者陳言伏路左乘輿之馬爲
驚將誅之抗議得免上都獄有殺人之夫者賂西僧將用
佛法曲赦之公力陳其非卒正其罪陞左司員外郎尋除

工部侍郎鄧州倉爲水所犯作渠分其勢公所董萬人夜
忍舉火譟演同僚惶懼公但靜坐至旦繩其首衆復安役
魏郡公訃至奔赴迄襄事羸毀骨立服除拜陝西諸道行
御史臺治書侍御史太夫人迫之使行當關中大饑之餘
甫事經畫而太夫人訃至旣葬遂廬墓側手樹松柏大作
塋門甫大祥除江西湖廣道肅政廉訪使未行改戶部尙
書請使交至鄉里榮之戶部兩遇朝廷有大故頒諸王費
鉅萬計公建議以鹽易銀賜用以足拜治書侍御史陞御
史旣歸除河南不行至淮東卽歸疾革盛服扶主教弟子
家人覲纓明盡請郡侯杜公宏道與之訣又作詩留別其
友五人有壬其一也治命柩以論語殉勿歛華美勿用緇

黃言畢而逝事與馬祖常碑忝証得其悲矣補元史者宜採及之

元故魯郡夫人趙氏墓誌銘

存正書年月殘今移置許文忠公祠內

國子監丞陳旅撰

中書叅知政事安陽許公有壬之夫人趙氏缺善應征行大

元帥贈開府儀同三司封秦國公口口宣諱按竺爾之曾孫

女蒙古漢軍元帥贈太口口榮祿大夫封梁國公諡忠憲

諱黑口之孫女缺大學士翰林學士承旨銀青榮祿大夫口

口口諱兼修國史中書平章政事封魯國公缺女母口氏封

魯國魯國大父本缺儒口氏趙口外祖氏也夫人口諱而口

口幼時口父口詩入耳輒能記七歲倍誦缺女事口論語孟

子小學當口口誦矣魯公之口口蜀省也口臣以公居中司

口口其罪缺詔逮公繫請室夫人年十三卽却缺凡三年

日夕哭泣至翳其兩目缺遂明如初魯公文學政事重海內

爲國元老口又賢明選婿之稱難其缺進士廷對缺中書爲

讀卷官見其對在口三等謂同列曰口言磊落可行力爭之

寅第二缺叅政爲兩淮都轉運使喪偶口口魯公還缺因

請昏於是夫人歸口前缺女才三歲撫口如已出燕山缺婢

賞緡幣置口間缺以語叅政叅政曰何言之蚤也缺知其必

妄故不言也及事姑缺而姑卒終喪語口口流涕謂不得

口婦缺

案誌石藏小營村趙成典家乾隆二十一年出土字多漫滅前列國子監丞陳旅撰旅元史有傳至正元年遷國子監丞階文林郎又二年卒是誌石之作在至正元二年間矣史稱旅文典雅峻潔必求合於古作者有集四十卷今得於此誌略見緒餘故益可喜也文稱中書叅知政事安陽許公有壬之夫人趙氏缺善應征行大元帥贈開府儀同三司封秦國公缺宣諱按竺爾之曾孫女蒙古漢軍元帥贈太缺榮祿大夫封梁國公謚忠憲諱黑口之孫女缺大學士翰林學士承旨銀青榮祿大夫缺兼脩國史中書平章政事封魯國公缺攷按竺爾本傳爾作迺其歷官拜征行大元帥延祐元年賜推忠佐建功臣太保開府儀同

三司上柱國封秦國公謚武宣並與謚符子十人徹里國寶最知名國寶一名黑梓卽謚所謂諱黑口者也爲蒙古漢軍元帥及封梁國公亦與謚同惟謚言謚忠憲而傳作忠定傳或有誤也下載中書平章政事已磨其名者卽黑梓子趙世延也傳載拜四川行省平章政事云帖木迭兒屬其黨何志道誘世延從弟胥益兒哈呼誣告世延逮世延置對至夔路題赦云帖木迭兒更以他事白帝繫之刑曹逼令自裁世延不爲動居囚再歲誌所謂魯公之口蜀省詔逮繫請室是其事也後又言進士廷對及中書爲讀卷官見其對在口三等謂同列曰口言磊落可行力爭之實第二缺攷至正集跋首科貼黃云賜宴玉堂知貢舉

乃平章政事臣李孟讀卷叅知政事臣趙世延集賢學士
臣趙孟頫皆坐禮方治呼臣有壬前平章指叅政而語有
壬曰始子策第高下未定叅政言觀此策必能官請實第
二甲吾不許實上復掇下者至於再三又指集賢曰學士
見吾輩辨不已乃立請曰宋東南一隅每取尙數百人國
家疆宇如是首科正七品取多一人不多也乃從之蓋有
壬被知遇之始本傳不載其事故予因此誌附著之

胡氏志石

佚

鄴乘云舊志作胡嵩正德末孝明村民得胡氏志石作景
崧

洪良□□□□

住持佛心圓應大禪師萬空長老□廣□

案碑題□鄉北曲溝社據宋志曲溝管統村有南曲溝北
曲溝今尚沿此名元杜秉彝撰高文忠廟碑濬洹水出曲
溝至府灌田千頃是其地也李珪作長供薦其亡父母
意於刻石之殷永傳不朽愚之甚矣

湯聖王廟碑

佚

河朔訪古記湯聖王廟在安陽縣西北五十里廟有少中
大夫山東東西道按察使胡祗道所撰碑

安陽縣金石錄卷第十三

補遺

河南安陽縣知縣長寧趙希璠纂修

唐

□相州鄴縣天城山修定寺之碑

存八分書開元三年三月

嘗聞上方有至德曰禪寂形淪含動之表棲跡立空之外西
極有達道曰真幽忘情是非之地滌心有無之境其爲廣大
長久也恒沙計劫而無盡卽由數界而未周其爲徵感發通
也僧孤敷化而莫窮娑婆受身而不足傳一音以□瀦衆聽
各聞其聲現一相以示容羣窺各見其像宿命之察過往而
未來神光之照無聞而有頂若其寃親共貫愛憎同叙斷以

歐午之勁而我弗謂讎貲以隨和之美而吾非其惠諸相非
相則見如來是聲非聲乃聞正聲適來彼時矣適去彼順矣
地不藏秘爲之十八震動天不隱道爲之十二光輝牦則簷
蔔闍提優鉢青紅之秀香則旃檀羅跋拘鞞紫黃之綵旒幢
幡蓋出諸修梵之宮殿塔樓臺括彼潢彌之嶽禎祥不可而
紀也福惠不可而殫也所以正徧知剛行足調御士降伏師
啓方等之因布圓明之教如斯而已矣及乎闍維長謝泥洹
高徃騰蘭曄乎觀止澄什翻然降次悠悠中寓初聞象教眇
眇舍氓始却淙瀆於是嘉山靈水香刹聖殷華郭貴都梵宮
俄徧其至感也如彼其幽應也如此天城山修定寺者本鄴
人張僧猛之禪居魏太和十七年孝文獵於此山初立爲天

城寺也始僧猛射鹿而戀戀弗去及孝文逐口又投房弗出
公旣感而擯俗帝亦奇而創寺重以大統灋師粵投茲境香
花供養三十餘年若其警蹕誼巖旌麾沓嶂降萬乘之周衛
下千官之輿輦繩山風海越國歸琛絕黨殊鄰星郵請道歲
時皆路崩後弗絕齊天保元年宣帝以山有二水合流改名
合水寺隨開皇三年文帝追猛公薰修致志更名曰修定寺
故今則因其號也觀其經構之轉彌山跨島設象之峻千星
列雲負曾檻以插虛架修木而瞰絕其左則太行西陳萬里
巒奔沓谷駢崗森矗天倚其右則山東列國平曠錦章連緣
黛陰峕藹魂極南有逶迤綠水濱島花明北有陰岑立洞風
雷潛震於是山祇營道谷靈模飾徵桂林之翠碧採辰水之

朱丹捫珍海伯之府探產河侯之藏南陽楓柙西輔檉松飛
柱則開陽夜至浮剡則新寧朝下黯疑天降修廊峴吻以雲
生施若海飛廣殿褰簷而赭布雕楣繡拱紅燄燄以矜然走
楯行欄岌碩碩而爭動白紈表裏紅紗上下風含水精之瓦
煙照石英之砌又有龍花瑞培降於忉利雀離仙圖來于天
竺露盤埽垠以雲表相輪崢嶸乎風半金鈴欲曙歌璀璨而
稱晨寶鐸將昏素鏗鉉而司閭七重行樹一一樹而百枝四
色祥花一一花而千葉鷹鳩聽頌居得鳥口之果鹿虎馴禪
盡得師子之位竹無心而自掃松不意以獨吟果則低枝獻
採花則傾跌投折松喬東適疑方壺而下問安淩西駕讀板
桐而中止登攀之戀信宿忘返而未周遊覽之娛窮年不歸

而無狀又況乎曹□臺觀石國園池東魏龍蟠之所北齊鳳
揚之跡山川若舊朝市革而氣幽故雉其荒芻牧吟而淚盡
時有寺主僧灋爽上坐立瓘都維那立提寺並鄴都純粹漳
河英穎逝祛疑網卽斷惑繩□步擅那便傾灋本戒珠圓淨
優波離解律之高灋方平富樓那說經之最亦猶舍利弗華
光之號當居離垢之境須菩提名相之尊仍臨有寶之劫不
□聰明第一識空無二其何以臻乎嘗以尼金樹德標識之
深刊石紀聲崇勸之大傳之所以示化聞之足爲自勉以弟
子學該儒奧才擅史墳將勒豐碑俾旌華頁不知晉之文伯
方媿凡宮之唱宋之詞英亦謝定林之作繫□不默夫豈計
積于時開元年歲次乙卯三月己未建于寺之南門大藺有

天下之九十九載也詞曰

大通普勝釋伽牟尼先覺之主正乘之師濤華撫運般若乘
時明行咸了正偏皆知妙哉筏喻不可思議 舌相潛

融毫光普遍鏗鉉雷怒煜爚飛口有頂上周無閒下徧六走
悲恐三途矜口乘佛聲光盡得聞見 閻維載謝口槃

不歸正瀟西住象教東飛律什傳授生融嚴口理究冥滅功
探密微于嗟眇眇復得其依 茲山峻峙眇聞奇特下

拒漳河口臨鄴國猛公營剏統師刊勒從魏增修經隨改卜
禪居森藹遺蹤此得 崇堂煙聳廣殿雲敷埽堦矜戴

崢嶸關口龍花飛塔雀離涌圖口含海月網絡星珠千楣万
拱赫弈口口 筏寶海游擣金山嶂下拓坤宰上邀天

□□□真容彫模妙相□藁縈□蓮花廻向□□菴園悠然
可望

□宇崇邃道門虛寂梵宇昂昂緇徒奕奕四分
律要七衆□□□嶽□□智流春碧□珠灑印清風流廻

粧金紀德刊石載聲崇勸之要標誠之精思延華妙式
播詞英樹此功實傳之令名秋千古萬不頽不傾

前太子校書金崇文 兼左衛率府兵曹參軍□□張伯仁

大唐鄴縣修定寺傳記

存八分書開元七年

蓋聞赤驥西幸啓聲教於隆周白馬東巡降靈儀於盛漢圖
澄北邁息威怒於趙邦僧會南遊止邪謗於吳國安上馭秦
口之乘飛令與於弥天生公居宋帝之宮播芳猷於廊地遂
致人王頂敬天主歸心修邸第以擬金園瑩陵臺而模像設
八解流液注溟渤以漣漪七覺敷榮冠嵩華而共峙是以金
場寶刹鱗次於郊畿振錫乘杯羽翊於都邑矣修定寺者後
魏蘭若沙門釋僧猛之所立也法師俗姓張氏少遊鄴境唯
工弋獵道緣將發爰降異徵於此山下遇一麀鹿應機飲羽
因卽墮胎曲躬遮護更無懼意乃歎曰昔聞此獸死不擇陰

今者懷戀靡殀輕命若是我雖人也誠不及之悲慟潛泣遂
挫拉弓矢卽於此地結構草菴誓求真覺割愛納於人世委
形質於林泉獸狎無驚禽馴不擾棲遲此谷積十餘年有一
神虎常隨翊衛于時金行運否水德潛通五馬逸於江湖二
龍徙於河洛大和十有八載六軍自北徂南陳萬騎於此山
設三馭之盛禮大緣旣下此虎來奔猛吼納衣霞裏安宣繩
牀之下逐者尋至猛房前溫涼纔訖卽陳本意猛謂彼曰若
不屠戮在近不遙必擬殺傷定難可得彼矯荅猛乃抱彪還
羣虞崩駭莫敢前受旣覩帑有遂吹奏聞孝文驚其靈異鑒
駕親矚素崇立化是用弥殷庶旌厥事爰詔立寺以此谷四
面山勢狀類城墀因此給額名天城寺次有沙門法上者汲

郡朝歌人也業行優裕聲聞天朝興和三年大將軍尙書令高澄奏請入鄴爲昭立沙門都維那居大定國寺而充道首旣非所好辭樂幽閑不違所請移居此寺澄又別改本號爲城山寺焉魏歷旣革禪位大齊文宣登極敬奉逾甚天保元年八月巡幸此山禮謁法師進受菩薩戒布髮於地令師踐之因以爲大統旣見二水寺前合流又改爲合水寺焉封方十里禁人樵采射獵仍給武官兵士守衛修營三時視觀四事無闕師以什物餘積擬之支提有一工人忽然而至入定思慮出觀削鐫窮陶甄之藝能竭彫鏤之微妙寫慈天上寶帳圖釋主之金容雖羈優之役龍神無以加也自後齊師失律鼎遷於周建德六年武帝納張賓邪諫先廢釋宗鄴城三

縣二千餘寺限十日內竝使燬除此寺于時亦同毀滅賴使者深重三寶不忍全除雖奉嚴勅纔燒欄檻階砌圻去露盤僊掌而已是以齊國靈迹此塔獨存也自後周氏無道神器授隨 文皇踐祚大宏佛法開皇三年十月十五日下午

勅修理度人配住改名爲修定寺封疆賜給一同齊日

皇朝武德七年又被省廢至貞觀十年四月 勅爲皇后

虛風日久未善痊除修復廢寺以希福力天下三百九十二所佛事院宇並好山水形勝有七塔者竝依舊名置立相州六所同時得額均人配住名修定寺故今則因其字也

開元七年歲次己未律師僧元昉建

宋

修定寺寶塔留題

存正書熙寧五年八月

安陽韓正彥上

魏齊去今逮千年歲時奄忽如跳丸山頭舊寺已五改惟有
陶塔依然完此塔固與常塔異鬼神夜疊磨琅玕當時規模
非世有肖形上擬天人冠陰工故欲露絕巧千態萬狀勞刻
剜周環象馬就行列出沒蛟螭相屈蟠鬼趨胡舞衛寶幃四
壁瑩滑琉璃寒常聞在昔隋唐閒高僧定坐隣巖端猛虎逐
鹿到坐側覆之裳下獲全安由此揭名曰修定紀載異跡乘
不刊時移事變人已往廻思日月空漫漫大業臺殿化塵土

正觀碑碣皆敝殘孤標獨與石門固

南有石門山

間寂依舊安方

壇僧殘地僻人罕到雲深水淨空林巒我聞勝槩已兩紀今日邂逅來遊觀搜尋遺事不可見感時弔古空盤桓周行數匝興未已西山落日噉金盤

熙寧五年八月十一日題

院主僧文

立石

井懷寶刊

大宋天城山修定寺奉勅存留記

存行書乾德三年十月在治西北七十里清涼山本寺天王殿壁上

若夫忘機趣道谷邃峯孤之地天城山之幽矣金田寶塔龍神守護之方修定寺之勝焉獨冠聲華羣推秀麗寺之興也案舊記云後魏沙門釋僧猛垂雲餌禾之定安禪十有餘年憇於此也至太和中因拒獵人救於困虎帝聞異之乃降口宸文慰於慈力天城之号自此興焉後有沙門法上踐猛芳蹤深味四禪獨明五淨性似白雲情同古木至後齊天保中 文宣親幸美水同流錫其号也合水之名因此稱焉

慈氏寶帳異事奇功乃法上之修也後周建德中淪口釋宗

燔毀房廊惟存寶帳隨開皇載靈輿 教大闡玄宗修定之

號於斯建矣自隨歷唐有會昌之難佛像雖降寶帳弗圯自

唐歷晉漢周至顯德二年 帝曰若城邑聚落山林曠野

凡有蘭若未蒙 勅額者悉可併口於是停廢者不可勝數

湮毀者莫究其涯惟修定寺之蔚興獨天城山之藹盛自權

輿已來 勅額三降靈蹤久口自經千載歷備百王住止

一同修供不墜時寺主釋 道芽杳藹行業扶疎繼祖明

燈傳師法印旣 道暇伏攝口心慮有廢興玉石同燼乃驗

其舊記刊此新文使涇寧之有分要朱藍之各色於是琢其

璧口雕瓊文青眼傾心鴻儒啓志普申妙菓時送異秀同

發菩提咸口勝事咸口慈力上福宸襟法口長清慈雲廣潤

紀其歷代馬久崇修叙而書之乃爲贊貝

寶塔攢金岫 巍峩接星斗 秀麗鎮山河 聲華傳宇宙

瞻部國元無 率隨宮本有 九聖悉同遊 龍神常護守

瑞氣膺天心 異香薰海口 八万歲非遙 三生劫長久

重書鴈 圓 再刊龜文就 記歷代興亡 神功標不朽

時乾德三年歲次乙丑十月丁酉朔二十八日甲子建

鄉貢進士齊拯撰 進士賀晝書并贊

修定寺造石塔記

存正書治平二年五月在本寺塔上

維南口郭州大宋國相州彰德軍口口

治平二年五月初一日造立石塔一座記

南无二十憶千驚怖吼聲口佛

南无二十憶百日月燃燈口佛

南无二十憶百妙聲口佛

南无二十憶百雲口口佛

苻昭愿題名記

案題名正書共五行餘首列大功德主四字餘另行題銀青光祿大夫前相州刺史兼御史中丞攝相州刺史仍充本州防禦使上柱國苻據宋史苻彥卿傳彥卿仕周爲大名尹天雄軍節度進封衛王入宋復拜太傅改封魏王彥卿子昭愿字致恭仕宋從征太原爲御營四面巡檢使丁內艱起復爲本州團練使通知永興軍梓滑二州咸平初又爲天雄軍邢州二鈐轄三年以疾求歸京師詔遣中使尙醫馳傳診視旣還帝賜以方名御藥拜本州防禦使彥卿封於魏茲曰仍充本州防禦使苻其爲昭愿題名似無疑義

王綖題名記

案題記八分書與前題鐫刻一石三行橫列題王綖弟綢
同瞻禮政龢丙申歲旦日書據歷代紀元彙考政龢丙申
爲政龢六年徽宗之十六年也書法雄整有魏齊規模末
小字正書崔世長刊四字精勁類黃山谷筆意亦宋之善
書者也

金

陳高題名記

案題名正書與宋苻昭愿王綰二題名共鐫一石題朝奉大夫安陽縣令陳高遊禮修定寶塔時天德庚午十二月十一日天德爲金海陵年號庚午即天德二年也

元

清涼山修定寺功德記

存正書皇慶改元歲次壬子十二月

前廣平路儒學正高揆撰并書

宣武將軍彰德路總管府達魯花赤兼本路諸軍奧魯總
管府達魯花赤管內勸農事正童題額

相之西七十里聚落千餘家其民鼓鑄曰銅山鎮鎮之西
又十五里少南有山鬱然而深秀巍然而峭拔者曰清涼口
有名刹曰修定寺有僧瀟諱皓俗姓王淮南人也年甫十歲
見掠於兵手從之而北渡河止於相幸脫險艱誓落空門遂
禮資公祝髮受業於此師幼勇智性聰悟諸貝葉書無不記

誦且粗通曉旨義至若接物處世作事不凡高出時輩梵語
所云羯磨陀者也嘗禮龍巖都壇主清公嗣法降衣自是三
無漏之學愈得其宗稱講主其後雲游北至京師聲動上人
慶壽總統筠庵公輩公白塔總統簡公咸愛重更相賜號曰
玉峯曰明道曰通慧皆大師之美稱也後復還相下實爲本
院住持主有年矣其寺之源乃沙門張猛古道場也考諸石
刻始建於元魏見毀於後周逮貞觀開天下廢寺勅修理之
本寺規模稍仍舊制噫自五代紹唐而禪宋至我聖元上下
相懸數百載其殿宇廡廊及諸聖像又經幾劫塵矣欲求完
者甚衆皆有心而力中道以自止師一念既興百廢皆舉獨
以經理院門爲至元卯年春筮時揆日鳩匠命工遂塑十地

菩薩十六羅漢精巧莊嚴千態萬狀觀音之堂彌勒之閣張
馬騰虬勾心闔角周以水墳種以竹木積翠繁陰旣森且束
凡法堂寮舍帑庖厨向未備者刱建以新之荒廢者補葺
而完之繪塼孔嚴妙盡其工曾不數年乃繼克就於至元十
三年秋九月始落其成輪焉奐焉金碧輝映四方遊觀者莫
不贊揚前後陶梓之廢工役之勞實惟艱哉切聞童子聚沙
亦可成佛况復具足種種供養誠可以爲大因緣大福德以
吾道言之可謂善於報本者也適有徒德委者造門問訊持
狀本師之行而言曰先師歸寂已久如斯勤蹟周心不苟未
見箸明此實吾衆法嗣之罪人也敢煩以文誌諸石永詔厥
後庶不負先師之意也余謂曰清涼修定古今福地也師乃

高僧也吾鄉秉筆者名公宿儒不爲不多何遽至我輩
累弗獲辭聞此盛事姑以鳩工之歲月就而爲之記

大元皇慶改元歲次壬子十二月癸丑望日住持僧德委立
石

安陽吳友諒刊

上
步
口
記

存行書無年代

詳夫釋迦功滿彌勒功感雨露□□以□□佛教□□□□

大舉缺記慈氏於未來口波離於是日

指十地□□補處□居觀史天中明萬德圓相□□□□□

□國內天竺餘十六億人年八萬四千於龍華三會度人處

□□□說法若不心□六事志存八乘□□不□□□過

去缺顛於惠日我覺皇悲心廣大願力□深慮□徒□苦

海之恐廢子□火之內是以□□□□□真□□鉄見於

穢之發正心於淨域六天慾樂八苦□□□要進修不云功

力愛有鍋□道首□甲□心久□輪廻□疲□
 缺遂乃歸心

翠谷繫志自慮紀三縣之英傑結六口之勝邑統同利必口

果因口記殊功故口合譽所願口口缺金圖肅耀玉鏡遐輝

舜海共法海同深堯雲與慈雲布廣次口虎符永固鳳

詔長口冀口口十口之缺瑞露降兩州之內縣鎮願鴛

鸞並翥梁口雙鳴白雪落於千家清風扇於一日旦然後盡

鳥兔口口缺鼙鼓休聲極立黃覆載之方北口口口有情無

識早悟口空口口口虛有登樂果不盡墨述口筆記云爾

功德主僧紫嵩 供奉主僧道福 典座僧道雅 道同

口鼓山口林寺主僧口口 同學僧紫通 同學僧紫照

法養僧口口 口規 迺寶 迺章

安陽縣口口鄉郭口口 邑人口口 張誠 任安

張惠 孫□ 張□ □□ 郭瓊 馮□ □□ 李

□ 李□ 馬□ 孟約 王溫 趙祚 張安 張□

傅合□ 李□ 劉□ 席通 鄭進 張□ 張□

劉□ 王□ 朱威 朱□ 朱□ 李□ □□ 李

進 王興 □ 寶 楊安 李□ 鄭□ □ 韜 王贊

邢振

鄴縣西陵鄉維邨陳鐸 邑人陳榮 張嗣 王祚 李□

□□ 程□ 楊斌 □□ □□ 呂□ 梁茂 梁

溫 楊遇 韓建 郭榮 梁唐 郭□ □□ □□

□□ 霍瑁

林慮縣仙巖鄉維邨李玘 邑人王瓊 胡暉 竇方

安

右清涼山唐宋金元石刻凡十種爲武生袁三綱袁五常
於修定寺得之余旣與偃師徐方于宣考據年代補刊於
前復跋此數語志得碑顛末爲嗜古者勸時嘉慶四年五
月初二日趙希璜跋